

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINSKI SUD U TUZLI
Broj: 32 0 St 454813 23 St
Tuzla, 19.03.2024. godine

Općinski sud u Tuzli, sudija Antonela Đaković kao stečajni sudija u stečajnom postupku nad stečajnim dužnikom „SUDO“ d.o.o za građevinske radove, moleraj, sanaciju i zaštitu betona Tuzla, ul. Birčanskog odreda br.8, nakon provedenog prethodnog stečajnog postupka donio je dana 19.03.2024.godine slijedeće:

R J E Š E N J E

OTVARA SE stečajni postupak nad imovinom dužnika „SUDO“ d.o.o za građevinske radove, moleraj, sanaciju i zaštitu betona Tuzla, ul. Birčanskog odreda br.8, MBS: 1-11541, JIB: 420939303030004, račun broj: 1321000309433597 kod NLB Banka d.d.

Za stečajnog upravnika imenuje se Senad Uzunić iz Tuzle, ul. Izeta Sarajlića br. 5C.

ZAKLJUČUJE SE stečajni postupak nad imovinom dužnika „SUDO“ d.o.o za građevinske radove, moleraj, sanaciju i zaštitu betona Tuzla, ul. Birčanskog odreda br.8, zbog nedostatka stečajne mase za pokriće troškova stečajnog postupka.

Rješenje će se objaviti na Oglasnoj tabli suda, WEB stranici suda, Službenim novinama F BiH, te dostaviti FIA-i.

Pravne posljedice zaključenja stečajnog postupka nastupit će po proteku osam dana od dana objavljivanja rješenja u „Službenim novinama F BiH“, a pravosnažno rješenje će se dostaviti Odjeljenju registra ovog suda, radi brisanja stečajnog dužnika iz sudskog registra.

O b r a z l o ž e n j e

Rješenjem Općinskog suda u Tuzli broj 32 0 St 454816 23 St od 21.12.2023.godine, pokrenut je prethodni postupak radi utvrđivanja uslova za otvaranje stečajnog postupka nad imovinom društva dužnika „SUDO“ d.o.o za građevinske radove, moleraj, sanaciju i zaštitu betona Tuzla, ul. Birčanskog odreda br.8, a za privremenog stečajnog upravnika imenovan je Senad Uzunić iz Tuzle, a sve temeljem člana 61. Zakona o stečaju (Sl. novine F BiH 53/21).

Privremeni stečajni upravnik dostavio je izvještaj o provedenom prethodnom postupku ovom sudu dana 18.01.2024.godine. Iz izvještaja privremenog stečajnog upravnika proizilazi da je djelatnost društva bila taksi prevoz u Gradu Tuzla, da je društvo poslovalo do 2006.godine, a 03.07.2018.godine je utvrđen prestanak pravnog subjekta rješenjem Općinskog suda u Tuzli. Sjedište društva je bilo u iznajmljenim

prostorijama, a osnivač i direktor društva bila je Timka Beširović. Računi u bankama su ugašeni, društvo nema zaposlenika, niti pokretne i nepokretne imovine, te ne postoji mogućnost nastavka poslovanja istog. Društvo ima obaveze u iznosu od cca. 92.594,40 KM prema Poreznoj upravi FBiH po osnovu poreza i doprinosa, dok tačan iznos obaveza može biti utvrđen prijavama povjerilaca u slučaju pokretanja stečajnog postupka. Imajući u vidu navedeno, stečajni upravnik je mišljenja da postoji razlog za otvaranje stečajnog postupka nad imovinom navedenog dužnika, predviđeni čl. 6. stav 2. i čl. 102 Zakona o stečaju (Službene novine FBiH br. 53/21).

Stečajni dužnik a što proizilazi iz izvještaja i mišljenja privremenog stečajnog upravnika nije u roku od 60 dana od dana nastupanja platežne nesposobnosti podnio prijedlog za otvaranje stečajnog postupka.

U smislu odredbe člana 103. stav 1., a u vezi sa odredbom člana 102. stav 7. Zakona o stečaju F BiH („Sl novine F BiH“ broj 53/21), a budući da dužnik ne raspolaže sredstvima za vođenje stečajnog postupka iz kojih bi se mogli podmiriti troškovi stečajnog postupka, sud je Javnim pozivom od 29.01.2023.godine pozvao predlagača, povjerioci i sva zainteresovana lica da u roku od 30 dana od dana objavljivanja poziva u službenim novinama uplate iznos od 4.000,00 KM na ime otvaranja stečajnog postupka, iz kojeg predumjerenog iznosa bi se pokrili troškovi stečajnog postupka.

Rješenje kojim se pozivaju predlagač, povjerioci i sva zainteresovana lica da uplate predumjam za finansiranje troškova stečajnog postupka objavljeno je u Službenim novinama F BiH broj 12/24 dana 14.02.2024.godine, oglasnoj tabli suda dana 30.01.2024. godine i na web stranici suda.

Obzirom da u ostavljenom roku koji je propisan zakonom povjerioci ili neko od zainteresovanih lica nije izvršio uplatu predumja za finansiranje troškova stečajnog postupka, sud je u smislu odredbe člana 102. stav 8. Zakona o stečaju, donio odluku o otvaranju i zaključenju stečajnog postupka, na način određene u izreci rješenja.

Temeljem odredbe člana 102. stav 8. Zakona o stečaju, rješenje o zaključenju stečajnog postupka dostavlja se nadležnom tužilaštvu Tuzlanskog kantona, Poreskoj upravi FBiH i Upravi za indirektno oporezivanje BiH.

Nadalje, temeljem odredbe člana 204. stav 1. i 3., a u vezi sa odredbom člana 190. stav 10. Zakona o stečaju, rješenje se ima objaviti na oglasnoj tabli suda, WEB stranici suda, Službenim novinama F BiH te dostaviti za FIA, dok je odredbom člana 204. stav 2. istog Zakona propisano da pravne posljedice zaključenja stečajnog postupka proizvode pravno dejstvo u roku od 8 dana od dana objave ovog rješenja u Službenim novinama F BiH.

Odluka o brisanju pravnog lica iz javnih registara temelji se na odredbi člana 204. stav 5. Zakona o stečaju.

Na osnovu odredbe člana 206. stav 2 Zakona o stečaju, osnivač društva je dužan preuzeti arhivsku građu i istu predati nadležnom arhivu na čuvanje.

Temeljem odredbe člana 102. stav 8. Zakona o stečaju sud je postupio kao u izreci rješenja.

Stečajni sudija

Antonela Đaković

POUKA O PRAVNOM LIJEKU:

Protiv ovog rješenja stečajni povjerioci i stečajni dužnik mogu izjaviti žalbu Kantonalnom sudu Tuzla, putem ovog suda, u roku od 8 dana, od dana objavljivanja rješenja u Službenim novinama.